

中華民國史事紀要

(初稿)

民國紀元前一年(一九一一)正月至四月

22.27/128/



中華民國史事紀要
(初稿)

凡 例

一、「中華民國史事紀要」編纂之目的，要在提供史料，便利研究。並先刊行初稿，廣徵意見，期能逐步增訂，成爲一部完整之中華民國編年史。

二、本書紀事，始自甲午（清光緒二十年，西元一八九四年）國父初創興中會於檀香山，迄於今茲；而以中華民國之建立爲分際，分「前篇」、「正篇」兩部分：自興中會成立至辛亥革命爆發（一九一一年）爲前篇，民國元年以後爲正篇。分年編次，以次發行。舉凡有關政治、法制、經濟、外交、國防、邊事、社會、文化、教育、科學、藝術、體育等各方面之重要建置、活動、成就與變革，無不廣事收羅，審慎考釋，以求其備，而存其真。

三、本書紀年以中華民國正朔爲標準。中華民國建元以前稱「中華民國紀元前」，並註以清代年號及西曆；其月日則先列當時之陰曆，再附註西曆。至中華民國建元後，則於民國紀元以下，繫以西曆。但如外交事件涉及俄、日等國曆法時，當附以該國年曆。

四、本書採綱目體裁，以綱統目。綱文標題宜重精當，目文敘事力求完整。融紀事本末於編年之中，冀能執簡馭繁，綱舉目張。

五、引用原始文件及他人著述時，均加引號，以資識別，並附註釋，志其來源。惟原文過長，須加節略，無法使用直接引號時，採綜合敘述方式，仍附小註。如紀事有作補充說明之必要時，得於正文之後附加編者案語，或附錄有關文字。

六、同一日內紀事順序，除具有特殊重大意義之事件列爲首條外，一般事件採先中央而後地方之次

序。國父孫中山先生爲中華民國之創立者，光被四表，功垂萬世，報本追遠，自應表示尊崇，故首列其生平重大事蹟。次爲國家元首、副元首，次爲中央政府各部會政令，次爲全國性政團、社團及社會文化動態，次爲各省市政令及特殊舉措。

七、所舉人名，以稱其本名爲原則，儘量避免稱號或字。惟引文內之人名，宜悉依其舊。如有雖具本名而後以字行者（如朱大符，字執信，後以字行），則於其初次出現時提及本名，後均記其字。如係外國人名、地名之譯名，宜力求統一，並於譯名下加註原文，以資查證。其見於引文中者，則以保持其原譯爲原則。

八、敘及某人職稱時，依其當時所居之職稱爲準。如辛亥革命爆發黃興督師漢陽時，稱民軍總司令，民元南京臨時政府成立後，則稱陸軍總長。如同爲一人於同一年月內居數種不同職務時，則取其與敘事有直接關係之職務。如今總統蔣公在抗戰初期同時擔任軍事委員會委員長及行政院長兩職，如紀事與軍事委員會有直接關係者，宜稱蔣委員長；與行政院有直接關係者，宜稱蔣院長。

九、本書所用史料，以國史館及中國國民黨中央黨史委員會度藏之原始檔案、文件、公報及其他公文書爲主，間採當時之報章、雜誌及專家著述。凡政治用語及黨派系別之名稱，皆依照原件，不加更改，以存史實。惟偽政權及叛亂組織，於必要時得冠以偽或逆字，以重法統。

十、本書內容廣泛，卷帙亦夥，自難於短時間內所能完成。且因大陸淪陷，檔案文獻遺失尚多，亟待增補。倉卒成編，闕誤必多。務請專家學者，各方賢達，惠予指正，提供卓見，俾得據以修正。

中華民國史事紀要（初稿）

民國紀元前一年（清宣統三年·辛亥·西曆一九一一年）

正月

初一日（一月三十日）

湖北革命團體文學社召開成立大會於武昌黃鶴樓，時新舊會員共八百餘人，舉蔣翊武為社長，詹大悲為文書部長，劉復基（堯激）為評議部長，蔡大輔、王守愚司文書，鄒毓琳司會計兼庶務。

先是光緒二十七年（一九〇一），鄂籍革命黨人吳祿貞，自日本士官學校畢業歸國，湖廣總督張之洞委為訓練新軍教官，先後執教湖北將弁學堂，及武普通學堂。乃假武昌花園山孫凱臣所有之孫森茂花園，設立秘密機關，從事革命之活動。時相往還者有李書城、李廉方、呂大森、朱和中、張難先等數十人。未幾祿貞調任騎兵監督，離鄂赴北京，朱和中等乃組織一活版印刷公司，專翻印留日學界所出版之「猛回頭」「警世鐘」等革命書刊。張難先等則認為革命首在運動軍隊，而運動軍隊，必須加入行伍，乃先後投入新軍從事革命工作。

光緒二十九年（一九〇三）九月，華興會成立於長沙，湖北黨人暗中與之通聲氣。翌年五月，乃組織科學補習所於武昌，以多寶寺為所址，推呂大森為所長，約定十月長沙革命軍起，武昌同時發動。同年九月，因長沙事洩，科學補習所為清吏所查封，黨人紛紛遠避，劉靜菴（或作敬安）乃假基督敎聖公

民國紀元前一年 正月初一日

會附設之日知會繼續活動。光緒三十二年（一九〇六），組織正式革命團體，士兵學生陸續填寫誓約者達數百人。同年十月，革命軍發動於萍鄉、瀏陽一帶，日知會力謀在武昌起義響應。及萍、瀏軍事失敗，劉靜菴等被捕，日知會之活動遂告停止。是時湖北安陸府所屬各縣在武昌有公益社之組織，社長彭養光，其份子或隸黨籍，或與黨人接近。故日知會被查禁後，公益社雖無革命團體之名，而陰收革命活動之實。

光緒三十四年（一九〇八）六月，前日知會員任重遠，與公益社長李長齡等，成立「湖北軍隊同盟會」於洪山羅公祠，參加者四百餘人，鑒於日知會之失敗，不立章程，舉動自行約束。十一月，改稱「羣治學社」，以「外避目標，內策自治」相號召，規定社員以士兵為限。宣統二年（一九一〇）四月，因兩湖水災，長沙饑民挾撫署及教堂，羣治學社欲乘機在武昌發難，以湘事平息而罷。然風聲外洩，武昌全城戒嚴，黨人逃散各地。八月，章裕昆、楊王鵬等為避清吏耳目，乃改「羣治學社」為「振武學社」，推楊王鵬為社長，仍本「羣治學社」精神，以聯絡軍界為宗旨。為慎重計，規定幹部會議非標代表不得參與。

振武學社成立甫兩月，即為清吏偵知，重要幹部楊王鵬等被革去軍職，社務陷於停頓狀態。於是蔣翊武、章裕昆、劉復基（堯徵）等決議改為「文學社」，以蔽官府耳目。其簡章仍沿「振武學社」。本日乃藉元旦新軍團拜為名，開成立大會於黃鶴樓之風渡樓，舉蔣翊武為正社長，詹大悲為文書部長，劉復基為評議部長，蔡大輔、王守愚司文書，鄒毓琳司會計兼庶務，新舊社員八百餘人，百分之九十以上皆士兵，革命聲勢為之大振。

至於共進會，係同盟會之分支團體。先是光緒三十一年（一九〇五）同盟會成立後，於光緒三十三年（一九〇七）春，設立調查部，任焦達峯為部長，負聯絡各省秘密會黨之責。達峯以同盟會誓約內「

平均地權」四字含意高深，非知識幼稚之會黨所能了解，乃約集一部分同盟會員，別組織「共進會」，專司聯絡會黨任務，且將「平均地權」改作「平均人權」，以免吸收會黨之費力。其入會資格不若同盟會之嚴格，手續亦無同盟會之繁重。其徽章旗幟用十八錐角交錯形，取十八行省鐵血聯合之意，實係光緒三十二年（一九〇六）東京同盟會本部討論國旗時之另一主張，亦即武昌首義時所用者。會員相見時另有隱語，大率以「中華民國」四字分析嵌用爲準，有時亦參用同盟會之握手禮。擁護中國同盟會總理孫先生文爲最高領袖，以示不另成系統，所定官制襲用同盟會之三等九級。焦達峯於共進會成立前，曾以其事告黃興，黃興以爲不可，及聞其成立，而孫先生方在南洋籌劃軍事，未便商討，遂亦置之。

光緒三十四年（一九〇八）九月，共進會主要份子先後回國，宣統元年（一九〇九）春，孫武等設總機關於漢口鴻順里三十四號，焦達峯則往來湘鄂間互相策應。宣統二年秋，共進會以會黨名目紛歧，特改爲「中華山」以統之。宣統三年（一九一〇）正月，會員居正奉香港統籌部命來鄂主持，感會黨之不足恃，乃積極向軍中發展。初設機關於漢口法租界長清里九十五號，及漢興里三十三號，繼設總機關於俄租界寶善里十四號。由鄧玉麟開設同興酒樓於黃土坡二十號，專事軍隊之聯絡。凡入會者將姓名登記於流水賬簿，以錢數記其年齡，正副日記爲一元，以資識別。於是彭楚藩、楊洪勝（宏勝）、熊秉坤、李鵬昇、金兆龍等，相繼入會焉。

宣統三年（一九一〇）春，文學社與共進會爲武漢革命團體之兩大主流，其來源雖然不同，其宗旨則屬一致。（註一）

按：此爲辛亥武昌首義之肇基。以地理形勢論，武昌居天下之中，箱穀南北，前枕大江，北帶漢水，襟漢陽，大肘漢口；東下可制長江之命脈，西上可杜川湘之門戶；渡江而北，右可扼斷山南，左可馳驅豫魯。故明太祖克復武昌後，遂得蕩平吳楚，統一天下。洪秀全屢得而不能守，湘軍乃得用作重鎮，使曾國藩卒收平定

民國紀元前一年 正月初一日

民國紀元前一年 正月初一日

太平天國之大功。

以革命源流論，自庚子拳亂後，黨人在鄂從事革命活動，由科學補習所，經日知會、湖北軍隊同盟會、羣治學社、振武學社、文學社，以及共進會之經營，達十餘年之久，根深而蒂固；故一舉事而動搖全局，清廷遂以傾覆。

附錄：

武昌首義，湖北人獨有其對國家民族之特負使命，與其創立史蹟。蓋武漢控長江中心，橫綰南北，進取利，號召便，是以歷代驅除異族，必由楚人憑其地以發難。庚子富有票起事，唐才常雖失敗，然以武漢為根據，可謂知其要矣。所以失敗者，當時湖北軍學各界，多未接受革命思潮，惟煽動會黨為發動主力。時至近代，政府武力雖不足恃，但憑無餉無械無訓練之烏合衆撲之，未有能制勝者也。然湖北人當富有票起事，雖未羣起相助，而對甲午、庚子迭遭外侮，有識者固已深感於開通民智以救國，雖匹夫亦有責焉。夫禦外侮必先傾覆滿清，以謀民族解放，此為革命最初必經之步驟，亦即成為辛亥首義之主要目的。自張文襄公督鄂以來，以建設地方、振興國家，實大有造於辛亥起義。最彰著者，首在作育楚材，非以自植勢力為務。其所設文武學堂之多且優良，冠乎各省。湖南少年有志者，皆來武昌就學。軍事則設兵工、鋼藥兩廠。新軍練一鎮一協，招收士兵，必須識字，後且命題考試，衡文以定去取。有志之士，至有棄舉業輟學籍而入伍者。壬癸之交，多派高材生先後赴東西各國留學，分習文武學科。黃興即其中遣派之一人。此出洋生驚睹外國文明，如夢初醒，紛紛為文宣傳，激勵其鄉人。加以中山先生領導革命，一旦海外親炙，更深信仰。最初贊助先生發起同盟會者，大抵皆湖北學生也。及陳天華猛回頭、警世鐘、鄒容革命軍等書，以及類此新書報出版，輸入境內，士子幾於人手一編。湖北軍學各界，因此日增活氣，進至結為團體，密謀革命。由宣傳而進於實行，由學界領導而進於軍界獨立大結合，歷時七八載，演變五六次，遭思愈多，組織愈強。經無數有志者埋頭苦幹，前蹶後繼，秘不外宣。卒至取得主動地位，一發即舉大事，而清祚以終，豈偶然哉。惟以

民國建立，湖北被制於北洋軍閥，即起義門且毀之，其事蹟不錄於官府，不聞於外省，當日稽勳局採訪材料，錯亂頗多。事後個人記述，大抵皆斷片之文，間有參以臆說偏見。今則同志幾盡為鬼，存者能識整體事實，不止寥寥如星矣。然就聞見所及，拾遺存真，亦編者之責也。

一、日知會 武昌日知會演變為革命團體，肇端於科學補習所。先是光緒二十九年（一九〇三）癸卯，吳祿貞畢

業回鄂，與武漢有志之士談革命。言者相傳花園山孫森茂花園，為吳祿貞在鄂時進行革命機關。見胡祖舜六十談往實則此為李

廉方由日回國賃居之所。朱和道著（稿存張難先處）記明為李步青寓。廉方原名步青。黃興初回時住此。二日。萬聲揚、耿伯鈞亦住若十日。後匡一嘗住此。後三年李第二次住此，聯合學界發起湖北教育會。湯化龍、張國淪、王敏煒以留日代表集議於此。旋由教育會集合士紳，反對諮議局籌辦處，紳耆與兆泰等極力贊助，迫滿人喜源等辭職，另聘姚實所為坐辦，湯化龍、張國淪、夏壽康為參事，張知本亦為重要職員。湯、夏、張因得於起義後在政治上活動。學界往來者頗多，凡以後留學東西各國者十之八九曾到是處。祿貞常由小朝街本寓至是處與朋友縱談，尚無具體組織也。未幾，李被逐出省，吳亦應練

兵處召入都。是後多寶寺街時寓，遂為同志時常聚談處。時寓為枝江時家管住所，起義後家管會繼姚實所為教育司長，功壁、功玖其子也。與此有關而影響以後革命

進行者，他紀亦有論及或拉雜言之。茲舉二事，以明體要。其一湖北學生界月刊：光緒二十八年（一九〇二）壬寅

秋，湖北留日師範部三十一人及各大學專科學生陸軍學生共同發起。商科王璟芳（恩施號小宋）為總幹事。主編者

：劉成禺、藍天蔚、張繼煦、李廉方、盧慎之、金華祝、周維楨、李熙、李書城、張鴻藻、程明超、范鴻泰、權量

、屈德澤、萬聲揚、王式玉、余德元、張孝移、周龍驤、左德明、但燾等。主旨在以世界知識及民族主義喚起內地

學生覺醒。先是，湖北最初留日學生戡翼輩（元成）、劉成禺（馬生）程家樞（韻生、安徽人，由湖北官費遣派）三人

戰，程二人皆於袁世凱入軍後後槍斃。皆與孫先生通往來。成禺時在成城學校肄業，以與師範生等前在鄂同學，每星期六下午及星期日，

必來晤談，因之多數人革新思想，亦傾向孫先生。後三年而同盟會始建立。而師範生係兩湖、經心、江漢三書院學

生，與武昌學界關係更密近。自湖北學生界出版後，枝江張繼煦、漢川李熙、潛江李書城等，復各撰印致同學書，

語多激昂，鄂學界大為振奮。適值日俄在東三省開釁，東京留日學生懼國土被人侵陵，組織義勇隊，作歸國禦侮之

準備，推舉鄂省官派陸軍學生藍天蔚為隊長。鄂籍文武學生參加者尤眾。益引起清吏查禁與取消官費之騷動。湖北

學生界改名漢聲。號厲午，後改名黃軫，號克強。萬聲揚、李廉方電召回鄂被逐。劉成禺赴美留學。在舊金山創辦日書城，費取消

用浙撫保送陸軍自費生丁人俊名，考入日本陸軍學校。在校結合同學孔庚、耿親文、朱綬光、何成權、李俊、王家駒、劉一清、蔣作賓、徐家瑤、周斌、雷壽榮、范照楨、陳裕時、黃愷元、及河北楊會蔚、姜登選

、陳之誠、劉炳初、山西閻錫山、溫壽泉、何澄、江西李烈鈞、俞德鏡、彭程萬、雲南李根源、殷承獻、羅佩金、葉荃、楊昭鴻、浙江黃郛、王凱成、湖南程潛、程子楷、陳強、仇亮、楊源潛、高兆奎、趙恆惕、安徽孫榮、孫方瑜、吳和宜、胡萬泰、李乾瑛、河南曹昭文、福建王孝鎮、陝西張鳳翽、四川尹昌衡等，分別組織秘密革命團體。其名稱有丈夫團、革命本團、死友三種。後為同盟會內軍人核心特別組織，因嚴防洩露其名冊，即以此故，由黃興副會長秘密保存，在辛亥首義時多為各省光復之中堅人物。至同盟會成立以後，湖北學生參加者最多。黨史當有詳細記載，不贅。即以此故，武漢各學堂學生，從此漸傾向於秘密結合，私印宣傳革命小冊，寢及於軍界。其二昌明公司，由湖北留日學生發起，創於光緒二十九年癸卯。任務在招待湖北出洋學生，與運售文化書報，兼密輸革命刊物，傳遞海內外消息，萬聲揚為總經理，馬剛侯副。黃興在湘創立華興會，聲揚即其在滬之通訊員也。設公司於上海，後武漢亦有分所。公司在王慕陶（宜昌人）寓處分租。慕陶早識孫先生者也。張繼、章士釗曾任慕陶寓所，亦由慕陶而知有先生也。師範生編印師範講義四冊，板權捐贈昌明公司，曾暢銷數年，獲利二萬元以上。先提二千元購幻燈機片，運往武漢放映。時功壁管理機片，耿觀文（伯釗）說明，間參以講演。吳祿貞、劉伯剛、金華祝、余德元等常往講演者也。凡片中涉及世界民族運動與被壓迫情事，必盡量發揮。此片在各處放映，往觀者甚衆，於激發思潮，亦頗有效。日知會開始演變，其組織者多為參與放演幻燈片之人。此外有黃公徵者，願以資財贊助革命，在水陸街設一會所，名曰武庫。每月約集同志開數次會，形式稍類閱報所，而開會又稍含有秘密意義。劉敬庵、李亞東、馮特民、范騰霄等皆常與會，迄科學補習所成立，是會遂停。

當光緒三十年（一九〇四）甲辰春，劉敬庵、曹亞伯、胡瑛、張難先、呂大森、朱元成、何季達、歐陽瑞驛等皆集武昌省垣，一日在時寓見章裕昆文學社運動紀實談及革命進行方略，大意以會黨發難易，成功難，即成而羣悍難制，不成則徒滋騷擾。暗殺為個人舉動，不足以搖撼全局。軍隊則將官多黨心利祿，偶得一二同志，掣肘多則事不易舉。三者固可並進，如主動不足以懾服衆士，則羣起響應，即不可期，此於革命黨已往失敗，歷歷可鑒。前此花園山聚談，早論及之。當時湖北方訓練將弁，為改編新軍預備，各營士兵不識字者已大減少矣。談者詳加研究，皆主張從運動軍隊入手，不輕率發難。於是胡瑛、張難先投工程營為兵，運動同伍，密散革命書冊。是時秀士入營者頗多，如朱元成、范騰霄、曹進等皆是。劉敬庵則已在馬隊營入伍矣。敬庵入馬隊營，范騰霄與有力焉。是年四月，假座斗級營同興樓商議組織機關，定名科學補習所，宗旨標明科學，實則掩蔽官府耳目，而以革命排滿為密約。推呂大森起草章則。大森，武高等學堂肄業。當時清廷訂中俄密約，大森鼓動學生數百人集會於曾公祠，演說痛斥政府，聽者

莫不動容。所於五月間成立，設多寶寺街，時在同盟會成立之前一年有二月也。推舉所長呂大森、總幹事胡瑛、文書宋教仁、會計時功璧、庶務高建唐、宣傳曹亞伯等。會務猛進，入會者頗多。六月，黃興自滬過鄂，到所密談，告以湘省預定十月西太后萬壽節發難，會員謀響應之，以所之房屋不敷，遂於七月遷魏家巷一號。是時曹亞伯已往長沙，在中學教課，參與黃興引導之華興會機密。及暑假回鄂，在所開會，議派呂大森、高建唐往施南，何季達往荆宜，聯絡會黨，宋教仁往長沙接洽。其在武昌負責推動者，武高等學堂有劉熙卿，文普通學堂有歐陽瑞驊，馬隊營有劉敬庵，工程營有張難先，其他軍營學校亦有負責人。文學社運動紀實：呂槐庭（即呂大森）宋元成、歐陽瑞驊、高建唐、劉熙卿、宋教仁、劉菊坡（劉復）、歐陽振聲、劉敬庵、毛復旦、雷天壯、何季達、王怒濤（即王漢）、李勝美、陳德新、趙光華、陳嘉謀、時功璧、馮特民等，均爲最激烈所員。其時組織未臻嚴密，推動殊無把握，初期革命運動，固如是耳。詎計畫甫定，而長沙於西太后生日前，事已洩露。湘撫電鄂督稱：武昌科學補習所亦有同謀。九月二十日，鄂督派隊圍搜。幸本所已接長沙密電，幹事等當將文冊銷燬，並通知同志急進者暫避。所自成立迄是時，纔四五月耳。於是劉敬庵移住高家巷聖公會，王漢、胡瑛移住鸚鵡洲。其後數月，王漢在彰德擊鐵良未中者，即此時所携藏之武器也。當軍警到所時，其室已空。但逮鞠房主，供屋爲文普通學生歐陽瑞驊所租。鄂當局不欲與大獄，僅開除歐陽瑞驊、宋教仁學籍寢事。大森到施南後，施鶴道奉令嚴緝。大森竄山谷中，辛亥反正後始出里門，後以討袁、靖國、驅王等役三次入獄，始終盡瘁革命，未竟其志，民十九病沒西湖。

日知會原爲聖公會閱覽書報之所，光緒辛丑，會長黃吉亨創辦。吉亨即甲辰在長沙匿黃興於私宅，解禁後護其出險者也。目的在開發民智，洗滌義和團遭侮之恥。會址初設武昌府街，後遷候補街高家巷，胡蘭亭繼任會長。當科學補習所解散時，劉敬庵與胡會長有舊，因避往會內。曹亞伯自長沙逃歸，與敬庵同居。旋敬庵解去文書職，日知會案發生後，各營檢查信件甚嚴，馬隊營查有張守正致敬庵書（關係黃興化名）中多隱語，黎元洪乃提前月日革除敬庵營籍。由胡會長聘爲會所司理。敬庵視事後，整理書報，訂立規則，應接尤爲周至。數月之間，閱者日衆，閱覽室爲之改觀。敬庵見擴張會務，大可引導革命，始則漸增革命書報，繼而吸引同志，進行組織。於是商准胡會長，擬製會約，名不變而實變，由傳教進而革命，是爲日知會開始演變，時在光緒三十一年乙巳冬也。其與同盟會開始組織約同時，但彼此尙未發生關係耳。其年夏，日知會評議馮特民、陸費達與張漢傑接辦楚報，常評議時政。九月一日湖北政府與英人密訂粵漢鐵路合同，特民覓得全文，披露報端，並爲

文攻之。又論五大臣出洋被炸事，謂爲立憲無救於國，大爲當局所忌，漢傑因之軟禁武昌府署多日。見陸費 次年丙午（光緒三十二年一九〇六）正月開成立會，到會者百餘人。何季達、朱元成、馮特民、孫武是時名葆仁，設共進會後改名武。等皆有

沉痛演說，聽衆非常感動。是後每星期日必有類是講演。有時假座文華書院，請名人講演世界革命史事，對時事常

含刺激意味。如吳祿貞、劉伯剛、金華祝、余德元、朱作梅等皆曾主講。又在黃州設秘密印刷機關，由吳貢三、殷

子衡負責校印革命書冊，各處携以分送，各校學生幾於人手一冊。軍營則由入伍會員，每於夜間或士兵出動時，暗

置床頭。因之革命書報展轉傳播鄉間，流行甚廣。當此之時，會員結合，主要任務在貫輸知識，喚起革命。其發動

革命，尙無大規模計劃。即軍營內部運動，亦無系統組織。居正武昌起義經過：入盟者李亞東、張難先、吳貞、宋教仁、胡瑛、王漢

宛思演、孫武、季雨霖、張潤生（即張統）、熊子襄、鍾大聲、馮羣先等。會同盟會派余誠爲湖北分會會長。首派者時功、張坊，又次陳鎮藩，均因故未回。同盟會先一年秋成立。誠於是年春

到武昌，倚日知會進行黨務，並不以同盟會名義相號召，內外聯屬，聲勢更張，是爲日知會會務之雙重演變。誠與

敬庵極相得，於是設東遊預備科，江漢公學，增置號召機關。其由會員在外創辦者，梁瀛洲設羣治社及明新公學；

熊子貞、何季達即何自新傳，未列他同志名。曹亞伯革命真史尙有熊秀字、鍾大等設黃岡講習社；擊、邱介甫、馮羣先、張海濤、張其亞、易介三、童澍、徐詒等。彭養光、趙鵬飛等設安

郡公益社，皆與日知會相呼應。此外設學社、旅館、書報社、照相館等數亦不少。張聘安、梅鼎洲、鍾劍林等以士

兵辦集賢學社，即其一也。黃岡講習社集合本邑軍學界人士而設，半月後不分縣界，廣結同志。革命真史：外縣人入此團體爲主幹者，有荆門

季雨霖，沔陽趙光華，鄭春和可權，鄂城徐叔淵，圻水畢振英，孝感李實栗等。僅三四月停閉，子貞擬乘南北軍會操河南時舉事，聯絡荆襄巴蜀及河南會黨同時並起。又在陸軍特別小學鼓動風潮，被張彭緝捕，社亦被封閉。而表現甚熱烈。

安郡公益社爲四縣軍學界人士所設，至民元尙存。當日知會案發後，彭養光奔走營救甚力，對急進同志爲人指目者

，延至社內居住，不以爲嫌。附設鍾祥學社內，彭養光社長，趙鵬飛副，後彭趨往外省，李長齡繼爲社長。先是湖北軍界僅有少數志士入伍，與學界不相結合，自

有本府本縣學社成立，情誼始得溝通，此於後來組織革命團體之影響甚大。又胡厚齋牧師在九江服務，亦仿日知會

設開化書報社，附設平民學校，地方紳商軍學及海關人員，多受感動。國民黨老同志數人，在國民政府及黨部任最

高位者，即發跡於九江海關者也。其影響及于南昌，有秀才黃復奇可大捐住屋爲開化社基金，並揭帖門首，聲言有阻

撓開化社管業者，當變厲鬼擊之，可想當時感召之精神矣。

是年五月，中山先生因法政府贊助中國革命，派山西喬義助隨法駐津參謀歐吉羅周歷長江口岸。張難先知之錄歐吉羅來者，尙有吳崑。

革命實史：借來者尙有鄧家彥，又稱歡迎人吳崑與殷子衡、朱元成、李雨霖、馮特民、李亞東並列，並稱是年夏吳崑在香訪黃與於中國報商籌款事。於八日到漢。敬庵等在聖公會開會歡迎，歐吉羅致辭，昌言革命，會員繼續演說亦然。時鄂軍警機關派有密探與會，據情呈報，日知會不容於當道，遂肇禍於此。及湖南萍醴會黨，乘長江流域旱災，於是年十月十九日起事劉陽文家市（曹振武紀事）王永球、陳亞龍舉義。失敗。鄂督據報黨羽潛來鄂境，懸賞緝拿者十三人。王勝、陳金、姜守且（即萬鵬飛）、陳紹莊各懸賞一千兩。宗實又名夏靈、劉家運（湖北全省會首）其中惟朱子龍即朱元

成爲日知會會員，由總理臨時派其與胡瑛、梁鍾漢赴鄂響應萍醴事者。當萍醴事起，湖北方面並不知情，故緝案中無胡梁名。至所稱湖北會首劉家運，在日知會封閉數月後被獲，與日知案殷子衡同監，可證明與劉敬庵確爲兩人。

張難先彈劾敬庵於萍醴事覆時，約同志會議于漢陽伯牙臺，商討籌款事，有沔陽人郭堯階郭在日本與胡瑛、朱元成、其同鄂、故得與聞日知會秘事。郭存存好治遊，張純一、張難先嘗以其行爲不檢，戒敬庵勿與接近。聲言六合錫礦公司經理劉小霖願助十萬元。不意其貪圖賞金，竟向巡警道馮啓鈞告密，誣詣敬庵爲家運，時尙未獲劉家運本人也。加以日知會露鋒銜之會員，早爲馮啓鈞所思懲處者，以故藉端一網打盡，遂於十一月二十九日派軍警圍日知會捕人。其文冊則由外國教士銷燬，未被搜去。是時劉藩侯繼蘭亭爲會長，聞有捐本一冊，歡迎歐吉羅影片一張，尙存其家中，旋由郭堯階作引線，先後捕獲朱子龍、梁鍾漢、胡瑛、李亞東、季雨霖、張難先、吳貢三、殷子衡、劉敬庵等九人。二十三日晚捕朱子龍、梁鍾漢於漢陽青蓮寺，適梁瀛洲外出逃走。次日獲吳貢三、殷子衡。敬庵則亡匿黃陂鄉間被獲。其指捕未獲者，則有吳崑、余誠、梁瀛洲、何季達、李長齡、馮特民、孫武、徐竹坪、廖匯川、黃景亞、李楚翹等十三人。至是日知會停閉，距正式成立之時將一年矣。其後一年有六月而文學社最初前身之軍隊同盟會成立，又閱九月而並立之共進會成立。

九人既捕獲，審訊時備受嚴刑，皆逼供劉敬庵即會首劉家運，終無一人承認。蓋湖北倡導革命不以會黨相號召，與陳天華所持迂拙手段之旨合，自初已然。陳天華絕命書：鄙人之于革命有與人異其趣者，則鄙人之於革命必出之以極迂拙之手段，萬不得已而後爲之，無所利焉；出於功名心者，已力不足，或至借他力，非內用會黨則外恃外資。會黨可以備用而不可恃爲本營。日俄不能用馬賊交戰，光武不能用銅馬赤眉平定天下，況欲用今日之會黨以成大事乎。至於外資則尤危險。馮啓鈞對捕獲諸人力主嚴辦。旋因敬庵素見重於教友，經黃吉亨、胡蘭亭、劉藩侯等竭力營救，美人孟良佐會長、吳德施主教及其駐漢領事迭向美公使聲訴，請其與清外部交涉，清肅王亦爲胡瑛函鄂督請設法曲全。

吳、劉、李皆在肅王府爲教讀一年。其他諸人，亦有人向官廳緩頰。李亞東在李府方所辦學校兼課。李與金謙祝聯名。李與金謙祝聯名。胡爲李在相之門生。李與

民國紀元前一年 正月初一日

九

九

九

九

九

九

次年三月病死獄中。張難先在獄四月因病保釋。同鄉黃福、王季雨霖未及一年亦保釋。季在三十一標三營為營隊官，經李應方託力言，乃其餘又次年判罪。劉敬庵、胡瑛永遠監禁。吳貢三監禁十五年。股子衡管帶曹進，屢向協統黎元洪，標統曾廣大力言，乃其餘又次年判罪。十年。李亞東五年。梁鍾漢三年。均於首義後出獄。敬庵竟於首義前三月病死，惜哉！當各人分押監

獄時，吳貢三、李亞東、梁鍾漢、季雨霖押武昌府候審所，獄官熊家騏江西頗加庇護，親友不時前來問候。久之亞

東遂與往候者發起中華鐵血軍，並時作小文，登陳紹武所辦白話報以遺閱。如三十一標三十二標張聘安、梅鼎洲、

鍾劍林，四十一標趙鵬飛、賀公俠等，常來獄問候，並送菜蔬。陸軍特別學堂學生鄭國棟湖北方克光漢蕭興漢立與三

十一標李岳崧如因送菜至獄，曾聯詩言志。胡瑛押府獄，管獄談國華更器重之，許字以女。即此瑣瑣諸端，可見人

心傾向，雖處萬惡勢力壓迫下，猶知所以安慰前進者也。

二、文學社 武昌首義，扛槍拖炮，以光復三鎮，鏖戰陽夏者，大抵皆文學社社員。其社基所以恢宏，實經三

鎮而建立。最初設者曰湖北軍隊同盟會。自日知會封閉，團體行動，停歇將近一年。當是時，湖北新軍業於丙午年

改編一鎮一協，有志之士入伍者日益加多，軍營內在活氣，已漸滋長矣。光緒三十四年（一九〇八）戊申二月，前

日知會會員任重遠，嘗師事長齡，亦表同情於革命者也。任重遠入伍後，屢與黃申籟、郭撫宸等知之錄尚有單炳堃。文學社

彭新振、章裕昆。籌組團體，就商李亞東於漢陽獄中，入獄後一議設湖北軍隊同盟會。任重遠分途聯絡，表同情者四百餘

人。湖北革命運動，進由軍界自組團體自此始。蓋必如是而後分子純一，結體堅，聯絡便也。六月二十八日在洪山

羅公祠開成立會，秦炳鈞主席，議定不立章程，鑒於日知會失敗也。惟對名稱觸時忌，多有異議。後因任重遠赴川，

會務遂無形停頓。蓋名稱既未為多數同意，又無章則可守，自不免於散漫也。雖經過只四五月，然廣續日知會目的

，重振革命運動，亦時勢所急需也。會員於上列諸人外，可得而記者，尚有陳紹武、祝制六、林兆棟、黃元吉、王

守愚、蔡大輔、廖湘芸、曹振武、唐懺支、鄒毓琳、陸國琪、李抱良、黃依僧、單道康、孫長福或稱孫昌復、黃駕白、

李慕堯（六如）、鄒潤猷、張文選、莫定國、萬奇（後改名耀煌）等。其後六閱月改組為羣治學社。未詳

戊申十月，湖北陸軍與江西陸軍會操於安徽太湖，楊王鵬在會操宿營地，常與同志商改組軍隊同盟會事，外避

目標，內策自治，定名羣治學社。及返武昌，遂由楊王鵬、鍾喻、郭撫宸、鄒毓琳、唐懺支、鄒潤猷、張文選、莫

定國、萬奇、章裕昆等十人發起

知之錄：改組人楊鐘、郭章外有單炳堃、黃元吉、李長齡、梁維亞、曾省三。談往：組織人楊鍾唐外有黃申籟、黃元吉、曾省三、梁維亞、林翼支（即林兆棟）、杜邦俊、曹振武、容景芳、詹大悲、何海鳴、王守愚

蔡大輔、黃鶴白、廖湘芸、關龍、馮中興、祝制六。革命逸史：楊外有潘康時、林兆棟、黃元吉、鄧玉麟、梁維亞、曾省三。茲從文學社運動紀實，以編者章裕昆于創設草隊同盟會及改組為羣治學社、皆為發起人也。逸史所紀似有非羣治社社員及入社較後之人在內。談往以林翼支即林兆棟。案兆棟黃岡人，首義時在漢口指揮。推鍾崎起草宣言及簡章。十一月二十日在小東門外三里許沙子嶺金臺茶館開成立會。逸史：丁未州人，首義時在漢口指揮。推鍾崎起草宣言及簡章。十一月二十日在小東門外三里許沙子嶺金臺茶館開成立會。即有羣治學社之組織。案羣治在戊申多組織。日知會丙午多封禁，丁未年進行革命團體活動。以其地僻人少便議事也。社章組織本有社長、文書、會計、庶務、評議員等，議決

暫設庶務一人，推鍾崎擔任。蓋運動開始，羽毛未豐，不便即有起事企圖，無取乎虛設員司也。其後隨管帶曹進往南京，曹振武改由李抱良接任。社章最要規定，經費由社員薪餉十分之一充之。入社須社員三人以上介紹。每一社員，月須介紹新同志二人，但不得介紹官佐。何者，運動軍隊，首在奠定下層基礎；而此種結合，必地位相若，不

時接觸，始能取得真實同情，且免外間疑謗也。自是社員日益增多，四十一標姚鈞、廖湘芸、王守愚（玄奕）、蔡大輔，三十一標李鑫等先後入社。祝制六原名夢熊，黃依僧原名景賢，向在三十一標當兵，因嫌疑革除，遂化名投

四十二標，祝入一營，黃入二營，分擔本標運動。四十一標左隊隊官潘康時頗開通。次年（宣統元年一九〇九）己酉六月楊王鵬考升司書，與康時甚投契。文學社運動紀實：二日鵬公驗看浙江潮，為康時所見。康時微笑問曰：雜誌何來。鵬曰：借自友人。康時於其床頭取一本相示曰：是烏用借為。於是引為同志。社章原定不得

介紹官佐入社，至是由鵬介紹，破格入社。官佐入社始於此，而社務進展亦有利焉。是後官佐入社者間亦有之，惟迄首義日止，其數無多，且止於隊官以下。其實當時管帶以上，出身學堂者頗多，甚矣利祿之害人深矣。當是時，

孫武在漢口組織共進會，於是年三月成立，黃申薌與之接納，聲勢益張。而詹大悲（原名翰）於是年多因冤思演斥資二千元，接辦商務報，劉堯激為會計兼發行，前充四十一標一營前隊助理書記何海鳴原名與梅寶璣、查光佛皆司筆

政，與本社相策應。會湖北大水，災民甚多，四十一標分防襄河一帶，從康時建議，同志分布活動。李抱良留守，潘康時、楊王鵬分駐公安、石首、姚鈞、廖湘芸駐監利沔陽，蔡大輔、王守愚、章裕昆、彭守振駐京山、天門、潛江。蔣翊武亦以是時由滬回漢，有意參加本社，因借堯激、大悲以訪員名義，往天

潛探訪。文學社運動紀實稱翊武、大悲二人同往。蔡大輔具以社事相告。及回漢後，堯激往晤李抱良，相見甚歡。從此過從日密，商務報

遂為本社言論機關矣。而秘密社務，堯激等亦不時參與。何海鳴文學社革命史讀後感：宣統元年有一晚下很大的雪，我與劉堯激及幾位同社友到蛇山去開秘密會議，地點是在閱馬廠山上，湖南旅鄂中學附近的樹林內，山路泥濘，天氣又冷，我只穿了一件破舊棉袍，一雙開了獅子口的破棉鞋，一步一滑弄得一身都是泥，兩腳全是雪水。抱良又以四十一標外防，亟謀擴充範圍，因鄉誼得識砲隊黃鶴白、

李慕堯及三十二標單道康、孫長福、葉正中等，皆介紹入社。此外入社者未及備述。又次年（宣統二年一九一〇）

庚戌湘米荒，其四月，饑民集省城，會黨因便煽動，焚撫署及教堂。清廷調鄂軍前往彈壓。是時軍隊運動惟四十一

標稍具基礎，黃申薌與單道康、黃孝霖、孫長福等，逸史作黃申薌、劉秉燾、查光佛等。知力主急進，謀由四十一標起事。之錄尚有李抱良、杜邦後、林兆棟。會湘事平，未及發難而罷。然風聲微洩，復有人告密，知之錄：向左旗。於是省垣戒嚴，派憲警至南湖三十二標捕黃申薌。申薌險垣逃，走滬。林兆棟、黃孝霖、賀公俠亦走川。劉協統告密。逸史：無賀公俠，文學社運動紀實，無林兆棟。商務報因嫌疑停刊。又四十一標三

營彭振新出防潛江下畔湖，鼓動饑民，亦被排長革除。至是羣治學社為官廳所注目，不得不暫停活動。然自成立以來，歷時一年又九月，湖北革命實力之瀰漫，固已肇其基矣。其後三閱月改組為振武學社。

羣治學社頓停不久，四十一標回防，時為庚戌七月。李抱良、黃鴛白、單道康、廖湘芸、祝制六、楊王鵬、孫長福、李鑫、章裕昆等，在四十一標一營左隊開會。時潘康時尚為一營左隊隊官也。抱良報告經過情形，咸以羣治既為官廳注目，而時局又趨緊張，宜更改名稱，擴充組織，乃定名振武學社。推楊王鵬起草簡章，大體仍羣治，惟組織增標營隊代表，以各營同志人數激增也。宗旨亦標明聯絡軍界同袍。自是軍隊秘密活動，學界少有參加，非分畛域，以學界對各標營內部無能為役，且免洩露內情也。八月中秋節開成立會於黃土坡開一天酒館，上次與會人均到

。知之錄：尚有查光佛、江光國。逸史：劉秉燾與蔣翊武、楊王鵬、唐繼文、李抱良、蔡大輔、潘康時、王守愚等謀改名。舉楊王鵬為社長，李抱良文書兼庶務。並議決幹部會議，非標代表不得參與，各營惟承代表之命，分途進行，但標代表有事，得指定營代表出席。以是之故，各營隊進行極其秘密，至有不同營之社員相見，彼此不知同為社員，其慎重如此。所以首義事，以某營隊人談整體經過，每有參差者也。

當時推定代表，三十一標江國光，三十二標單道康，四十一標廖湘芸，四十二標祝制六，砲隊八營李慕堯。知之錄：更以

蛇山新春學社為機關，由查光佛司聯絡軍學界之職。逸史：查光佛更聯絡各標營同志，以新春學社為機關。計當時與謀者二十九標排長蔡國楨（濟民）、高尚志，見習學生甘鎮熙、羅武庫、夏一鳴、楊漢青、馬雲雲等。三十標隊官張廷輔，隊官潘康時，士兵吳醒漢（基培）、王憲章、黃國寶、徐達明、王文錦、陳復元、馮中興、羅良駿等。三十一標官曾三、黃元吉、李建中等。三十二標孫長福、向海潛、單道康、李成收、馮扶青、朱黃強等。四十一標蔣翊武、丁人傑、蔡大輔、廖湘芸、李抱良、唐繼文、曹珩、王華國、李達五、章裕昆等。四十二標邱文彬、曾漢城、張喜天、劉化義、胡玉珍、黃繼中、祝制六等。砲隊徐萬年、孟發成、黃鴛白、陳國珍、陳子龍等。馬隊錢升甫、江炳蓮、陳孝芬等。工程營熊秉坤、金兆龍、方興、馬榮、李乃斌等。陸軍中學席正銘、雷洪、謝復、侯源英等。陸軍測繪學生李湖東，編重營胡祖舜等。案軍界團體未改為文學社以前，非當時在營者在外設機關，似無其事，且振武標明軍界同袍，更無派員以司聯絡軍學界為職。若以查光佛聯絡各標營同志，光佛非軍界人，振武已推定各標營代表，而以非軍界人聯絡之大違事實。光佛所設新春學社，大概與彭養光等設安郡公益社同性質，無代任何革命團體司職之事。逸史所列各人姓名，有若干人確為共進會會員，與振武無關；亦有在振武初成立時尚未參與革命團體秘密者。當是時，翊武、堯激決計當兵。翊武化名伯夔，堯激化名汝夔，事實亦有誤例。如胡祖舜在三十一標三營前排，非編重營是。

由同志黃貞元介紹，投四十一標三營左隊，加入本社運動，其後遂為幹部主持最力之人。社中青年有曹振武、黃漢清二人，皆年未及冠，而革命甚努力，同營中有小天使之稱。見河海鳴文學社革命史讀後感。當時有志革命而入營當兵者，多投四十

清二人，皆年未及冠，而革命甚努力，同營中有小天使之稱。

一標三營，則因管帶爲振武族兄進（號文思），李長齡亦在其營以進之師而兼爲書記也。重九日開標代表會於黃鶴樓之風度樓，各代表報告人數，共計二百四十餘人。蓋羣治遭遇挫折，當然有極少數份子，稍存觀望，此外因公出省或離營者亦有之。並訂標營隊排各代表負責公約及簡章口號。逸史：振武社成立後，有蔣翊武等利用星期日，約集各標營代表二十餘人於蛇山抱冰堂開秘密會。案秘密事似不當在抱冰堂開會。自後各社員吸引同志，與日俱增。詎未幾潘康時被革職。協統黎元洪傳康時至司令部質問隊內有結社謀不軌，胡施某代爲隊官，置不問。康時極力辯護。黎怒不已，康時退即革職。陽與楊王鵬結歡，而陰則探其行動，報告黎元洪。元洪藉故將楊王鵬撤職。李抱良、鍾倬賓開除。鵬旋返湘，抱良走粵。曹振武紀事：楊王鵬、李抱良（六如）出營後潛任東廠日文書閣。鄭士杰亦撤職。於是社務由蔣翊武主持，庶務及文書由鄒毓琳接管，時庚戌十月也。其後二閱月易名文學社。

振武正當風雨飄搖之時，黃岡胡爲霖於是年十一月，出銀五百兩，邀營大悲創辦大江白話報，未幾胡爲其父召同，大悲另籌三千元自當經理，去白話二字，日出兩張。梅寶璣、黃侃、田桐、居正、謝楚珩等皆常作文。抗言時政，同志精神爲之一振。當是時，清廷方以立憲罔天下人，然而親貴用事，宵小競進，上下交征利，惟圖中央集權。乃於十二月命盛宣懷爲郵傳部尙書，取消鐵路商辦，借外款修築，收歸國有。川粵湘鄂等省，羣情憤激。政府悍然不顧，噤言官節詞淆聽，直斥反對者爲亂黨，冀百姓素奉爲不可侵犯之神聖，得以永保其家天下，若輩亦得穩固其權位。大悲反對最烈，時湯化龍爲湖北諮議局議長，與大悲有舊。一日謂大悲曰：「君何故反對國有乎？」大悲曰：「國有固是，清有則非」。化龍悚然不語。蔣翊武見時機已至，不可不加緊運動。各標同志亦以振武停頓，宜謀恢復爲言，於是約大悲及劉堯激、王守愚、蔡大輔、章裕昆、李鑫等集議閱馬廠集賢館，商改組振武事。大悲提議改名文學社，衆贊成，爲掩蔽官府耳目也。推大悲起草簡章，大體仍振武，以準備發難。幹部需多人負責，故組織於正社長副社長下分文書、評議二部。文書部設文書四人，會計庶務各一人，評議部設評議糾察各若干人。次年（宣統三年一九一）元旦，藉新軍團拜爲名，開成立會於黃鶴樓之風度樓，決議暫不設副社長，舉蔣翊武爲正社長，文書部長詹大悲，評議部長劉堯激，文書蔡大輔、王守愚，會計兼庶務鄒毓琳等。是時入社社員可得而記者，三十標王憲章、鍾仲衡、排長張廷輔等，二十九標張喆夫、李達武、李濟臣、排長蔡濟民等，四十一標闕龍、李必勝、楊載雄、柳迪凡、梁棟、顧鴻、胡培才、王世龍、蕭國斌、鄒棟等，工程第八營馬榮等，混成協砲隊營晏柏青、符玉龍等，輜重十一營余鳳齋，憲兵彭楚藩等。計新舊社員共有八百餘人

民國紀元前一年 正月初一日